



# Službeni glasnik

općine Tuzla

GODINA XLIII

28. april 2006. godine

Broj 5

## I - AKTI OPĆINSKOG VIJEĆA TUZLA

1

Na osnovu člana 47. Zakona o dopunskim pravima boraca-branitelja i članova njihovih porodica ("Službene novine TK", broj 07/02) i člana 115. Statuta općine Tuzla ("Službeni glasnik općine Tuzla", broj 2/99. i 9/00), Općinsko vijeće Tuzla, na sjednici od 28. aprila 2006. godine, donosi

### PRAVILNIK

o kriterijima i postupku za odobravanje jednokratne pomoći pripadnicima branilačke populacije sa područja općine Tuzla

#### I - OPĆE ODREDBE

Član 1.

Ovim Pravilnikom o kriterijima i postupku za odobravanje jednokratne pomoći u općini Tuzla (u daljem tekstu: Pravilnik), uređuju se:

1. Korisnici prava iz ovog Pravilnika
2. Vrsta jednokratne pomoći
3. Kriteriji i postupak odlučivanja kod odobravanja
4. Organi i postupak odlučivanja kod odobravanja
5. Finansiranje proširenih oblika pomoći
6. Ostala pitanja iz oblasti koja se regulišu odredbama ovog Pravilnika

Član 2.

Pod pojmom jednokratna pomoći se podrazumijeva jednokratna pomoć pripadnicima branilačke populacije koji se nađu u stanju socijalne potrebe.

Član 3.

Financijska sredstva za jednokratne pomoći u općini Tuzla, obezbeđuju se iz Budžeta općine Tuzla i odobrat će se u skladu sa odredbama ovog Pravilnika.

#### II - KORISNICI JEDNOKRATNIH POMOĆI

Član 4.

Odobravanje jednokratne pomoći se vrši za lica koja su:  
1. Članovi porodica šehida-poginulih branilaca

2. Ratni vojni invalidi odbrambeno-oslobodilačkog rata 1992-1995. godine
3. Članovi porodica umrlih ratnih vojnih invalida odbrambeno-oslobodilačkog rata 1992- 1995. godine
4. Ratni vojni invalidi i članovi porodice poginulih boraca NOR-a 1941-1945. godine
5. Demobilisani branici odbrambeno-oslobodilačkog rata 1992-1995. godine, u skladu sa Zakonom o dopunskim pravima boraca-branitelja i članova njihovih porodica
6. Nosioci najviših ratnih odlikovanja i priznanja
7. Učesnici narodnooslobodilačkog antifašističkog rata od 1941. do 1945. godine
8. Mirnodopski vojni invalidi

Lica iz prethodnog stava (u daljem tekstu ovog Pravilnika će se označavati kao: korisnici branilačko-invalidske zaštite), mogu steći pravo na jednokratnu pomoć samo ako status dokažu na osnovu adekvatnih isprava izdatih od nadležnih organa i institucija.

#### III - VRSTE I VISINA JEDNOKRATNIH POMOĆI

Član 5.

Kao jednokratna pomoć u smislu ovog Pravilnika, smatraće se pomoć neophodna za:

1. Nabavku - kupovinu lijekova koji korisniku branilačko-invalidske zaštite, s obzirom na status i vrstu bolesti, ne pripadaju besplatno preko liječničkog recepta, odnosno nisu korisnici iz člana 1. Pravilnika o kriterijima i postupku za odobravanje lijekova ratnim vojnim invalidima TK, i pod uslovom da dokažu neophodnost lijekova putem odgovarajuće dokumentacije, medicinske i druge naravi.
2. Nabavku - kupovinu lijekova za slučaj teške i trajne bolesti (akutna tuberkuloza, maligna oboljenja, endemska nefropatija, stanje poslije hirurškog zahvata srca, sva degenerativna oboljenja centralnog nervnog sistema - infarkt srčani ili moždani, oboljenja mišićnog sistema i paralize), bez obzira na visinu primanja.
3. Nabavku ortočko-protetičkih i drugih neophodnih pomagala, koji korisniku branilačko-invalidske zaštite, s obzirom na status i vrstu bolesti, ne pripadaju besplatno, odnosno koji to pravo ne mogu ostvariti shodno odredbama Odluke o utvrđivanju obima prava

- boraca-branitelja i članova njihovih porodica na zdravstvenu zaštitu, banjsko-klimatsko liječenje, lijekove, troškove prevoza u vezi sa liječenjem, ortopedska i druga pomagala, uslovima i postupku za ostvarivanje tih prava, u maksimalnom iznosu od 200,00 KM.
4. Dio troškova liječenja u inostranstvu, koje se ne može obaviti u BiH, u maksimalnom iznosu od 1.000,00 KM, bez obzira na visinu primanja.
  5. Troškove dženaze-sahrane u iznosu od 500,00 KM, za korisnike branilačko-invalidske zaštite iz člana 1. ovog Pravilnika, a za ostale članove porodičnog domaćinstva korisnika, u iznosu od 200,00 KM, bez obzira na visinu primanja.
  6. Troškove za životne potrebe (nabavka ogrjeva, prehrambenih namirnica i sl), u maksimalnom iznosu od 200,00 KM.
  7. U drugim, specifičnim, a ovim članom neobuhvaćenim slučajevima, po zahtjevima koji se ocijene kao opravdani i koji su adekvatno dokumentovani, a za koje, objektivno potrebne troškove ili dio troškova, ne može snositi podnositelj zahtjeva (štete prouzrokovane višom silom), u maksimalnom iznosu od 300,00 KM.

U slučajevima iz tačke 4. ovog člana, korisnik branilačko-invalidske zaštite, kojem su odobrena finansijska sredstva za navedene svrhe, obavezan je u pismenoj formi podnijeti izvještaj o utrošku odobrenih sredstava i isti dokumentovati relevantnom dokumentacijom, po povratku sa liječenja.

#### Član 6.

Korisnici branilačko-invalidske zaštite prava iz ovog Pravilnika mogu ostvariti samo jedanput godišnje, pod uslovom da dokažu neophodnost jednokratne pomoći putem odgovarajuće medicinske i druge adekvatne dokumentacije.

#### Član 7.

Zajedničkim domaćinstvom u smislu ovog Pravilnika, smatra se zajednica stanovanja, privređivanja i trošenja ostvarenih prihoda.

#### IV - KRITERIJI ZA ODOBRAVANJE JEDNOKRATNIH POMOĆI

#### Član 8.

U okviru raspoloživih sredstava, Služba za boračko-invalidsku zaštitu, kod razmatranja podnesenih zahtjeva, koristit će sljedeće kriterije:

1. Materijalno stanje podnositoca zahtjeva i članova porodičnog domaćinstva.

Pravo na jednokratne pomoći iz člana 5. tačke 1, 3. i 6. ovog Pravilnika, mogu ostvariti korisnici branilačko-invalidske

populacije, ako su ukupna primanja podnositoca zahtjeva i članova zajedničkog domaćinstva manja od:

- |  |           |
|--|-----------|
| a) za jednog člana domaćinstva                     | 250,00 KM |
| b) za dva člana zajedničkog domaćinstva            | 350,00 KM |
| c) za tri člana zajedničkog domaćinstva            | 450,00 KM |
| d) za četiri člana zajedničkog domaćinstva         | 550,00 KM |
| e) za pet ili više članova zajedničkog domaćinstva | 650,00 KM |

Neophodno je navesti visinu svih primanja podnositoca zahtjeva i članova domaćinstva.

2. Druge činjenice i okolnosti koje ističu težinu statusa podnositoca zahtjeva (zdravstveno stanje podnositoca i članova domaćinstva, broj nezaposlenih članova domaćinstva, broj djece u srednjim i visokim školskim ustanovama, potpuna nesposobnost za rad i privređivanje i sl).

#### V - POSTUPAK I NADLEŽNI ORGANI ZA DODJELU PROŠIRENIH OBЛИKA POMOĆI

##### Član 9.

Jednokratna pomoć se odobrava na osnovu pismenog i dokumentovanog zahtjeva korisnika branilačko-invalidske zaštite, uz koji je potrebno priložiti:

##### OPĆI USLOVI:

1. Uvjerenje o statusu za korisnike koji nisu na staranju  
Službe za boračko-invalidsku zaštitu.
2. Prijava u evidenciju prebivališta (CIPS), za podnositoca i sve punoljetne članove zajedničkog domaćinstva sa stalnim prebivalištem na području općine Tuzla.
3. Potvrda Zavoda za zapošljavanje za nezaposlene korisnike branilačko-invalidske populacije i punoljetne članove zajedničkog domaćinstva.

##### POSEBNI USLOVI:

1. Pravo na naknadu troškova za nabavku-kupovinu lijekova, ortotičko-protetičkih i drugih pomagala imaju korisnici branilačko-invalidske zaštite koji uz zahtjev prilože nalaz ljekara-specijaliste-komisije, kopije recepata i predračun iz apoteke uskladen sa Listom esencijalnih lijekova, odnosno predračun iz namjenskih ustanova za ortotičko-protetička i druga pomagala.
2. Pravo na naknadu dijela troškova liječenja u inostranstvu imaju korisnici branilačko-invalidske zaštite koji uz zahtjev prilože nalaz i mišljenje ljekarskog konzilija nadležne klinike JZ UKC Tuzla, koja se bavi liječenjem bolesti podnositoca zahtjeva i kojim se utvrđuje da li se traženo liječenje može obaviti u BiH.
3. Pravo na naknadu troškova dženaze-sahrane se odobrava na zahtjev korisnika branilačko-invalidske zaštite ili člana porodičnog domaćinstva utvrđenog članom 7. Pravilnika, osim prognanih lica koja to pravo ostvaruju preko Službe za raseljena lica i

izbjeglice Tuzla, najkasnije u roku od 30 dana od obavljene dženaze-sahrane. Uz zahtjev je potrebno dostaviti smrtni list, dokaz o zajedničkom stanovanju sa korisnikom branilačko-invalidske zaštite (Prijava u evidenciju prebivališta (CIPS), za podnosioca zahtjeva i umrlog.

#### Član 10.

Postupak provodi u prvom stepenu Služba za boračko-invalidsku zaštitu putem Komisije za odobravanje jednokratne pomoći (u daljem tekstu: Komisija), osim zahtjeva iz člana 5. tačka 7, koji se zbog hitnosti rješavanja podnose direktno pomoćniku Općinskog načelnika za Službu za boračko-invalidsku zaštitu.

Komisiju iz prethodnog stava će imenovati Općinski načelnik, a sastoji se od 9 (devet) članova, i to 2 (dva) iz reda službenika-namještenika Službe za boračko-invalidsku zaštitu i po 1 (jedan) član iz općinskih organizacija: Organizacije porodica šehida-poginulih branilaca, Organizacije ratnih vojnih invalida, Organizacije demobilisanih boraca, Jedinstvene organizacije boraca BiH Unija veterana, Udruženja građana "Zlatni Ijljan", Udruženja boraca NOAR-a 1941-1945. godina i Koordinacija udruga proisteklih iz rata HVO Soli Tuzla. Iz reda imenovanih članova Komisije, na prvoj konstitutivnoj sjednici, članovi biraju predsjednika Komisije i njegovog zamjenika.

#### Član 11.

Komisija radi u punom sastavu, a odluke se donose natpolovičnom većinom glasova. O radu Komisije se sačinjava zapisnik.

#### Član 12.

Komisija, u skladu sa odredbama ovog Pravilnika, ima sljedeće nadležnosti:

1. Razmatranje prispjelih zahtjeva i provođenje postupka po zahtjevima za odobravanje jednokratnih pomoći.
2. Rangiranje zahtjeva na osnovu kriterija iz ovog Pravilnika
3. Donošenje prvostepenih rješenja o odobravanju jednokratnih pomoći, odbijanje zahtjeva i donošenje zaključaka o odbacivanju zahtjeva.
4. Prijem žalbi protiv prvostepenih rješenja, razmatranje i njihovo proslijedivanje nadležnom drugostepenom organu.
5. Predlaganje visine pomoći, ukoliko iznos već nije utvrđen odredbama ovog Pravilnika.
6. Praćenje realizacije dodijeljenih pomoći i njihovo namjensko korištenje.
7. Vršenje, po nalogu Općinskog načelnika ili pomoćnika Općinskog načelnika za Službu za boračko-invalidsku zaštitu, analizu dodijeljenih pomoći.
8. Pripremanje i podnošenje izvještaja u vezi odobrenih jednokratnih pomoći i problematike koja je za to vezana.

9. Obavljanje drugih poslova koje joj povjeri Općinski načelnik ili pomoćnik Općinskog načelnika za Službu za boračko-invalidsku zaštitu.

#### Član 13.

Protiv zaključka ili rješenja Komisije, kojim su zahtjevi za odobravanje jednokratne materijalne pomoći odbačeni ili odbijeni, nezadovoljna strana ima pravo žalbe, u roku od osam dana od dana prijema obavijesti.

Žalba ne odlaže izvršenje rješenja.

#### Član 14.

O žalbi iz prethodnog člana odlučuje Drugostepeno upravno vijeće. Odluka po žalbi je konačna.

#### Član 15.

Zahtjevi podneseni za jednokratne pomoći u Službi za boračko-invalidsku zaštitu, u pravilu, Komisija razmatra dva puta mjesечно.

U slučajevima, kada se procjeni daje rješavanje zahtjeva hitno i da ne trpi odlaganja, po zahtjevima se odluke donose neposredno po njihovom podnošenju.

### VI - FINANSIRANJE PROŠIRENIH OBЛИKA ПОМОЋИ

#### Član 16.

Sredstva za finansiranje korisnika jednokratne pomoći će se odobravati iz Budžeta općine Tuzla (sredstva za posebne namjene, grantovi jednokratne pomoći).

#### Član 17.

Novčana pomoć se uplaćuje na račun podnosioca zahtjeva ili se isplata vrši putem blagajne općine Tuzla, u skladu sa važećim propisima i pravilima iz te oblasti.

### VII - OSTALE ODREDBE

#### Član 18.

Ukoliko, iz opravdanih razloga, podneseni zahtjev ne može biti riješen, podnositelj zahtjeva će se uputiti, odnosno poučiti na koji način i kod kojeg nadležnog organa se eventualno može obratiti radi rješavanja zahtjeva - ukoliko se procjeni da za to postoji objektivna mogućnost.

### VIII - PRELAZNE I ZAVRŠNE ODREDBE

#### Član 19.

Pravilnik stupa na snagu osmog dana od objavljivanja u "Službenom glasniku općine Tuzla".

**Član 20.**

Izmjene i dopune Pravilnika se vrše na način kao i u postupku donošenja.

**Član 21.**

Stupanjem na snagu ovog Pravilnika prestaje da važi Pravilnik broj 01-41-12798-2005, usvojen 29. 12. 2005. godine.

**Član 22.**

Tumačenje Pravilnika daje Općinsko vijeće Tuzla.

**OPĆINA TUZLA**  
Općinsko vijeće  
Broj: 01-41-3774-2006  
28. april 2006. godine

**PREDSJEDAVAJUĆI**  
**Nada Mladina**

**2**

Na osnovu člana 26. Statuta općine Tuzla ("Službeni glasnik općine Tuzla", broj 2/99. i 9/00), člana 2, a u vezi sa članovima 7, 8, 9. i 10. Odluke o Tuzlanskoj plaketi ("Službeni glasnik općine Tuzla", broj 1/02), na prijedlog Komisije za odlikovanja i priznanja, Općinsko vijeće Tuzla, na sjednici od 28. aprila 2006. godine, donosi

**ODLUKU****o dopuni Odluke o dodjeli Tuzlanske plakete u povodu obilježavanja 4. aprila/travnja 2006. godine****Član 1.**

U članu 2. stav 1. alineja c, Odluke o dodjeli Tuzlanske plakete u povodu obilježavanja 4. aprila/travnja 2006. godine, donesene na sjednici održanoj dana 28. marta 2006. godine, dodaju se imena:

- Elvis Alić
- Mirzet Mehić

**Član 2.**

Dodjela Tuzlanske plakete će se izvršiti na sjednici Općinskog vijeća Tuzla.

**Član 3.**

Odluka stupa na snagu danom donošenja, a objavit će se u "Službenom glasniku općine Tuzla" i sredstvima javnog informisanja.

**OPĆINA TUZLA**  
Općinsko vijeće  
Broj: 01-05-3787-2006  
28. april 2006. godine

**PREDSJEDAVAJUĆI**  
**Nada Mladina**

**3**

Na osnovu člana 5. Zakona o prometu nepokretnosti ("Službeni list SRBiH", broj 38/78, 4/89, 29/90. i 22/91) i ("Službeni list RBiH", broj 21/92, 3/03. i 17/93) i člana 26. Statuta općine Tuzla ("Službeni glasnik općine Tuzla", broj 2/99. i 9/00), Općinsko vijeće Tuzla, na sjednici od 28. aprila 2006. godine, donosi

**ODLUKU****o davanju na korištenje objekta Dom DTV "Partizan"****Član 1.**

Općina Tuzla daje na korištenje, bez naknade, Javnoj ustanovi Univerzitetu u Tuzli, dio objekta Dom DTV "Partizan", u ulici 2. oktobar broj 1, a koji se nalazi na zemljištu označenom kao:

- k.č. broj 706/3 "sportski objekti", kuća i dvorište, površine 3.561m<sup>2</sup>, upisane u PL 329 KO Tuzla II, a po starom premjeru označene kao k.č. broj 8/680 "zgrada sa dvorištem", upisana u zemljišno-knjižni uložak 11919 KO Tuzla, društvena svojina, organ raspolaganja općina Tuzla, za potrebe smještaja Fakulteta fizičke kulture u Tuzli.

Dio postojećeg objekta koji se daje na korištenje se nalazi u prizemlju i na spratu.

Općini ostaju na korištenju prostori koji su u tlocrtu broj 07-31-301/03 od 13. 02. 2003. godine, koji je sastavni dio ove Odluke, označeni, i to:

- na prvom spratu: od P-1 do P-15; wc-1 i 2; i od O-1 do O-11.

Ulagni hodnik i ulazni hol u prizemlju koji su u tlocrtu označeni kao O-1 i O-2 i zajednički dio zgrade na prvom spratu, koji je označen kao O-14, zajedno će koristiti korisnik Javne ustanove Univerzitet u Tuzli i nosilac prava raspolaganja općina Tuzla.

**Član 2.**

Dio objekta iz člana 1 ove Odluke, daje se na korištenje sa mogućnošću da korisnik o svom trošku izvrši rekonstrukciju, adaptaciju i nadzidivanje objekta u cilju stvaranja mogućnosti za rad Fakulteta fizičke kulture u Tuzli, kao organizacione jedinice Javne ustanove Univerziteta u Tuzli, s tim što će općina Tuzla imati pravo raspolaganja na cijelom objektu (uključujući i nadzidani dio).

**Član 3.**

Pravo korištenja daje se na period od dvadeset godina. Objekat se daje na korištenje za potrebe obavljanja registrovane djelatnosti Javne ustanove Univerzitet u Tuzli.

Ukoliko se u toku korištenja objekta ukaže potreba da se dio ili cijeli objekat koristi za druge namjene, korisnik će promjenu namjene izvršiti uz prethodnu suglasnost Općinskog vijeća.

#### Član 4.

U skladu sa ovom Odlukom će se u zemljишnim knjigama, u zemljишno knjižnom ulošku broj 185 KO Tuzla, u C listu, brisati ranije upisani teret, upisati kao teret pravo korištenja na dijelu objekta iz člana 1. ove Odluke i pravo nadziranja u korist Javne ustanove Univerzitet u Tuzli, na period od dvadeset godina.

#### Član 5.

Na osnovu ove Odluke, a uz prethodno pribavljeni mišljenje Općinskog pravobranilaštva, zaključiće se ugovor između općine Tuzla i Javne ustanove Univerzitet u Tuzli, kojim će se regulisati uslovi i način korištenja objekta.

#### Član 6.

Po isteku roka iz člana 3. ove Odluke, ili u slučaju statusnih promjena korisnika, općina Tuzla i korisnik će se sporazumjeti o načinu daljeg korištenja objekta iz člana 1. Odluke.

#### Član 7.

Ovlašćuje se Općinski načelnik da u ime općine Tuzla zaključi ugovor iz člana 5. ove Odluke.

#### Član 8.

Javna ustanova Univerzitet u Tuzli preuzima sljedeće obaveze:

- da obezbijedi adekvatno tekuće i investiciono održavanje,
- da preuzeće pet radnika zaposlenih u DTV "Partizan" Tuzla, koje će raspoređiti na poslove i zadatke u skladu sa stručnom spremom i potrebama Javne ustanove Univerzitet u Tuzli i
- da bez nadoknade osigura korištenje postojećeg prostora dosadašnjih korisnika: Sportski savez Tuzlanskog kantona i Općine, DTV "Partizan", Šah klub "Sloboda", te da bez nadoknade osigura korištenje sportskih dvorana u objektu i pratećih objekata za programske aktivnosti DTV "Partizan", kao i za manifestacije i takmičenja koja su od interesa za Općinu.

#### Član 9.

Stupanjem na snagu ove Odluke prestaje da važi Odluka o prenosu prava korištenja broj 01/07-31-306/01 od 27. 02. 2003. godine ("Službeni glasnik općine Tuzla", broj 2/03).

#### Član 10.

Odluka stupa na snagu danom objavljivanja u "Službenom glasniku općine Tuzla".

OPĆINA TUZLA


Općinsko vijeće

Broj: 01/07-31-3764/06

28. april 2006. godine

PREDsjedavajući

Nada Mladina



**4**

Na osnovu člana 57. Zakona o zdravstvenoj zaštiti ("Službene novine Federacije BiH", broj 29/97), Općinsko vijeće Tuzla, na sjednici od 28. aprila 2006. godine, donosi

### ODLUKU

**o davanju saglasnosti na Statutarnu odluku  
o izmjeni i dopuni Statuta Javne zdravstvene  
ustanove Dom zdravlja Tuzla**

#### Član 1.

Daje se saglasnost na Statutarnu odluku o izmjeni i dopuni Statuta Javne zdravstvene ustanove Dom zdravlja Tuzla, broj: 04-3599-1/05 od 08. 04. 2005. godine donesenu od strane Upravnog odbora Javne zdravstvene ustanove Dom zdravlja Tuzla.

#### Član 2.

Odluka stupa na snagu danom objavljivanja u "Službenom glasniku općine Tuzla".

OPĆINA TUZLA

Općinsko vijeće

Broj: 01-37-3768-2006

28. april 2006. godine



**5**

Na osnovu člana 6. Zakona o ustanovama ("Službeni list RBiH", broj 6/92. i 13/94) i člana 69. Zakona o zdravstvenoj zaštiti ("Službene novine Federacije BiH", broj 29/97), Općinsko vijeće Tuzla, na sjednici od 28. aprila 2006. godine, donosi

### ODLUKU

**o izmjeni Odluke o osnivanju  
Javne zdravstvene ustanove Dom zdravlja Tuzla**

#### Član 1.

Član 2. Odluke o osnivanju Javne zdravstvene ustanove Dom zdravlja Tuzla (u daljem tekstu: Odluka), mijenja se i glasi:

### “Član 2

Ustanova će poslovati pod nazivom:

JAVNA ZDRAVSTVENA USTANOVA DOM ZDRAVLJA SA POLIKLINIKOM “Dr. Mustafa Šehović” TUZLA (u daljem tekstu: Ustanova)

Skraćeni naziv Ustanove je:

JZUDOM ZDRAVLJA SA POLIKLINIKOM “Dr. Mustafa Šehović” TUZLA”

### Član 2.

Odluka stupa na snagu danom objavljivanja u “Službenom glasniku općine Tuzla”.

OPĆINA TUZLA

Općinsko vijeće

Broj: 01-37-3766-2006

28. aprila 2006. godine

PREDsjedavajući

Nada Mladina

### Član 3.

Odluka stupa na snagu osmog dana od dana objavljivanja u “Službenom glasniku općine Tuzla”

OPĆINA TUZLA

Općinsko vijeće

Broj: 01-40-3771-2006

28. aprila 2006. godine

PREDsjedavajući

Nada Mladina

### 6

Na osnovu člana 61. Zakona o ustanovama (“Službeni list RBiH”, broj 13/94), člana 9. Zakona o kulturi (“Službene novine Tuzlansko-podrinjskog kantona”, broj 8/98) i člana 23. Statuta općine Tuzla, Općinsko vijeće Tuzla, na sjednici od 28. aprila 2006. godine, donosi

### ODLUKU

**o izmjeni i dopuni Odluke o osnivanju  
Javne ustanove Dom mladih Tuzla**

### Član 1.

U Odluci o osnivanju Javne ustanove Dom mladih Tuzla (“Službeni glasnik općine Tuzla”, broj 5/02 i 5/05), u članu 4. stav 1. mijenja se i glasi: “Ovom Odlukom se prenosi pravo na upravljanje Švedskom kućom solidarnosti u Lipnici, Dom kulture na Husinu i Društveni dom u Gornjoj Tuzli”.

### Član 2.

Iza člana 6. Odluke o osnivanju Javne ustanove Dom mladih Tuzla, dodaje se novi član 7. koji glasi:

“Općina Tuzla će u objektima Švedske kuće solidarnosti u Lipnici, Doma kulture na Husinu i Društvenog doma u Gornjoj Tuzli, obezbijediti plaćanje komunalnih troškova preko Službe za komunalne poslove, izgradnju i poslove mjesnih zajednica.

Općina Tuzla će sa pozicije održavanja objekata mjesnih zajednica, predviđenih u Službi za komunalne poslove, izgradnju i poslove mjesnih zajednica, obezbijediti sredstva za adaptaciju i dovođenje u funkciju objekata iz stava 1. ovog člana, u skladu sa raspoloživim sredstvima.

Javna ustanova Dom mladih Tuzla se zadužuje da u svojoj sistematizaciji predviđi po 2 radna mjesta za objekte iz stava 1. ovog člana, i to: upravnika Doma i domara - čuvara, u skladu sa sredstvima predviđenim u Budžetu Općine za rad Doma mladih za ove namjene.

Javna ustanova Dom mladih će napraviti Protokol sa rukovodstvom mjesnih zajednica Lipnica, Gornja Tuzla i Husino o korištenju prostora za potrebe mjesnih zajednica i prostora oko objekata koji su u vlasništvu Općine.

Javna ustanova Dom mladih će, takođe, izraditi i Pravilnik o uslovima i načinu iznajmljivanja pod zakup poslovnog prostora kojim raspolaže u navedenim objektima i način korištenja sredstava koja se obezbjede na taj način za sufinsansiranje programskih aktivnosti u navedenim objektima”.

Dosadašnji članovi: 7, 8, 9, 10, 11, 12, 13, 14 i 15, postaju članovi: 8, 9, 10, 11, 12, 13, 14, 15 i 16.

### Član 3.

Odluka stupa na snagu osmog dana od dana objavljivanja u “Službenom glasniku općine Tuzla”

OPĆINA TUZLA

Općinsko vijeće

Broj: 01-40-3771-2006

28. aprila 2006. godine

### 7

Na osnovu člana 26. Statuta općine Tuzla (“Službeni glasnik općine Tuzla”, broj 2/99. i 9/00), Općinsko vijeće Tuzla, na sjednici od 28. aprila 2006. godine, donosi

### ODLUKU

**o utvrđivanju visine naknade  
predsjedniku i članovima Komisije  
za odabir korisnika pomoći za rekonstrukciju  
stambenih objekata i održiv povratak**

### Član 1.

Ovom Odlukom se utvrđuje visina naknade za rad predsjedniku i članovima Komisije za odabir korisnika pomoći za rekonstrukciju stambenih objekata i održiv povratak.

### Član 2.

Prava utvrđena ovom Odlukom, pripadaju osobama iz prethodnog člana od dana imenovanja do dana prestanka mandata za mjesecu za koje će obavljati aktivnosti.

### Član 3.

Predsjedniku i članovima Komisije se određuje naknada u iznosu od 175,00 KM.

## Član 4.

Odluka stupa na snagu danom objavljivanja u "Službenom glasniku općine Tuzla".

OPĆINA TUZLA  
Općinsko vijeće  
Broj: 01-14-3777-2006  
28. april 2006.

PREDSEDJAVAJUĆI  
Nada Mladina

**8**

Na osnovu člana 26. Statuta općine Tuzla ("Službeni glasnik općine Tuzla", broj 2/99. i 9/00), a u vezi sa članom 4. Zakona o prometu nepokretnosti ("Službeni list SR BiH", broj 38/78, 29/90. i 22/91) i ("Službeni list RBiH", broj 2/92, 3/93. i 18/94), Općinsko vijeće Tuzla, na sjednici od 28. aprila 2006. godine, donosi

**ODLUKU****o promjeni statusa nepokretnosti**

## Član 1.

Utvrđuje se da je izgubilo status dobra u općoj upotrebi zemljište društvene svojine označeno kao:

- k.č. broj 4/1337 "prilaz kinu", površine 409 m<sup>2</sup> i upisana u Iskaz I, KO Tuzla, društvena svojina sa 1/1 - javno dobro (novi premjer k.č. broj 508/2, upisane u PL 531 KO Tuzla I, društvena svojina, putevi, Tuzla).

## Član 2.

Zemljišno-knjizični ured Općinskog suda Tuzla će na zemljištu opisanom u članu 1. ove Odluke, u zemljišnoj knjizi brisati ranije upise i isto upisati kao društvena svojina - pravo raspolažanja općine Tuzla.

## Član 3.

Odluka će se objaviti u "Službenom glasniku općine Tuzla", a stupa na snagu danom objavljivanja.

OPĆINA TUZLA  
Općinsko vijeće  
Broj: 01/07-31-1505/06-I  
28. april 2006.

PREDSEDJAVAJUĆI  
Nada Mladina

**9**

Na osnovu člana 26. Statuta općine Tuzla ("Službeni glasnik općine Tuzla", broj 2/99. i 9/00), a u vezi sa članom 4. Zakona o prometu nepokretnosti ("Službeni list SR BiH", broj 38/78, 29/90. i 22/91) i ("Službeni list RBiH", broj 2/92, 3/93. i 18/94), Općinsko vijeće Tuzla, na sjednici od 28. aprila 2006. godine, donosi

**ODLUKU****o promjeni statusa nepokretnosti**

## Član 1.

Utvrđuje se da je izgubilo status dobra u općoj upotrebi zemljište društvene svojine označeno kao:

- k.č. broj 2060/21 "neplodno stambeno", površine 3494 m<sup>2</sup> i upisana u Iskaz III, KO Tuzla, društvena svojina sa 1/1 - javno dobro (novi premjer k.č. broj 682/5, upisane u PL 2409 KO Tuzla I, društvena svojina, pravo korištenja općine Tuzla).

## Član 2.

Zemljišno-knjizični ured Općinskog suda Tuzla će na zemljištu opisanom u članu 1. ove Odluke, u zemljišnoj knjizi brisati ranije upise i isto upisati kao društvena svojina - pravo raspolažanja općine Tuzla.

## Član 3.

Odluka će se objaviti u "Službenom glasniku općine Tuzla", a stupa na snagu danom objavljivanja.

OPĆINA TUZLA  
Općinsko vijeće  
Broj: 01/07-31-1505/06-II  
28. april 2006.

PREDSEDJAVAJUĆI  
Nada Mladina

**10**

Na osnovu člana 26. Statuta općine Tuzla ("Službeni glasnik općine Tuzla", broj 2/99. i 9/00) i člana 26. stav 2. Poslovnika Općinskog vijeća Tuzla ("Službeni glasnik općine Tuzla", broj 7/05), Općinsko vijeće, na sjednici od 28. aprila 2006. godine, donosi

**RJEŠENJE****o razrješenju člana  
Komisije za ekonomске odnose**

## I

Razrješava se dužnosti člana Komisije za ekonomске odnose, Pejo Banović.

## II

Rješenje će se objaviti u "Službenom glasniku općine Tuzla"

OPĆINA TUZLA  
Općinsko vijeće  
Broj: 01-05-3889-2006  
28. april 2006.

PREDSEDJAVAJUĆI  
Nada Mladina

**11**

Na osnovu člana 26. Statuta općine Tuzla ("Službeni glasnik općine Tuzla", broj 2/99. i 9/00) i člana 26. stav 2. Poslovnika Općinskog vijeća Tuzla ("Službeni glasnik općine Tuzla", broj 7/05), Općinsko vijeće Tuzla, na sjednici od 28. aprila 2006. godine, donosi

**RJEŠENJE**

**o imenovanju člana  
Komisije za ekonomске odnose**

**I**

Imenuje se na dužnost člana Komisije za ekonomске odnose, Josip Jukić.

**II**

Rješenje će se objaviti u "Službenom glasniku općine Tuzla"

OPĆINA TUZLA  
Općinsko vijeće  
Broj: 01-05-1962-2006  
28. april 2006.

PREDSJEDAVAJUĆI  
Nada Mladina

Mare Kerošević sa dijelom od 1/4 i Ivke Lovrić rođ. Kerošević sa dijelom od 1/4), i

- k.č. broj 2925/1 "Glibanuša" njive 5. klase, površine 224 m<sup>2</sup>,
- k.č. broj 2925/4 "Glibanuša" njive 5. klase, površine 159 m<sup>2</sup>,  
obje upisane u posjedovni list broj 1413 KO Husino, korisnik Komunalno preduzeće za vodovod i kanalizaciju sa dijelom od 1/1 (po starom premjeru označene kao: k.č. broj 762/1, površine 224 m<sup>2</sup> i k.č. broj 762/19, površine 159 m<sup>2</sup>, obje upisane u zk. uložak broj 1689 KO Husino, uknjiženo pravo vlasništva u korist Ilike (Franjo) Pavlaševića sa dijelom od 1/1).

**II**

Rješenje će se objaviti u "Službenom glasniku općine Tuzla".

OPĆINA TUZLA

Općinsko vijeće

Broj: 01/07-31-1148/06  
28. april 2006. godine

PREDSJEDAVAJUĆI

Nada Mladina

**12**

Na osnovu člana 15. stav 2. Zakona o eksproprijaciji ("Službeni list SR BiH", broj 12/87. i 38/89) i ("Službeni list R BiH", broj 15/94) i člana 26. Statuta općine Tuzla ("Službeni glasnik općine Tuzla", broj 2/99), Općinsko vijeće Tuzla, na sjednici od 28. aprila 2006. godine, donosi

**RJEŠENJE**

**o utvrđivanju općeg interesa**

**I**

Utvrđuje se da je od općeg interesa izgradnja objekta - hale u kojoj će biti instalirano postrojenje za prečišćavanje vode u sastavu Fabrike pitke vode Cerik-I faza i da se u tu svrhu može pristupiti potpunoj eksproprijaciji nepokretnosti označenih kao:

- k.č. broj 2925/2 "Glibanuša", njive 4. klase, površine 372 m<sup>2</sup>,  
upisana u posjedovni list broj 1413 KO Husino, korisnik Komunalno preduzeće za vodovod i kanalizaciju sa dijelom od 1/1 (po starom premjeru označena kao k.č. broj 762/11, površine 372 m<sup>2</sup>, upisana u zk. uložak broj 203 KO Husino, uknjiženo pravo vlasništva u korist Kerošević Bože sa dijelom od 1/4, Ane Brkić rođ. Kerošević sa dijelom od 1/4,

**13**

Na osnovu člana 16. stav 1. i člana 48. stav 2. Zakona o građevinskom zemljištu Federacije BiH ("Službene novine Federacije BiH", broj 25/03. i 16/04), člana 3. i člana 4. Odluke o uslovima i načinu dodjele građevinskog zemljišta u državnom vlasništvu ("Službeni glasnik općine Tuzla", broj 6/03, 7/03. i 10/05) i člana 26. Statuta općine Tuzla ("Službeni glasnik općine Tuzla", broj 2/99), Općinsko vijeće Tuzla, na sjednici od 28. aprila 2006. godine, donosi

**RJEŠENJE**

**o dodjeli neizgrađenog gradskog građevinskog  
zemljišta na osnovu javnog konkursa**

**I**

DIREKCIJI ZA IZGRADNJU D.O.O. ZA INŽINJERING I USLUGE TUZLA i SIMIČIĆ MIRSADU iz Tuzle, uz naknadu, na osnovu javnog konkursa, dodjeljuje se na korištenje, radi izgradnje stambeno-poslovnog objekta, na uglu ulica 15. maja i Mahmuta Bušatlije u Tuzli, neizgrađeno gradsко građevinsko zemljište označeno kao:

- k.č. broj 968/6 "Radionica", dvorište, površine 6.165 m<sup>2</sup>,  
upisana u posjedovni list broj 1543 KO Tuzla II, društvena svojina - korisnik općina Tuzla sa 1/1 (po starom premjeru označena kao k.č. broj 1368/10, dvorište, Brčanska Malta, površine 6.165 m<sup>2</sup>, upisana u zk. uložak broj 7691 KO Tuzla, društvena svojina sa 1/1 - uknjiženo pravo korištenja u korist općine Tuzla sa 1/1).

## II

Za dodijeljeno pravo korištenja zemljišta radi građenja DIREKCIJA ZA IZGRADNJU D.O.O. ZA INŽINJERING I USLUGE TUZLA i SIMIČIĆ MIRSAD iz Tuzle, obavezni su da, u roku od 15 dana od dana pravosnažnosti ovog Rješenja, uplate naknadu za dodijeljeno zemljište, u iznosu od 2.050.000,00 KM, na poseban račun općine Tuzla, broj 3383002200581886 - Sredstva za uređenje građevinskog zemljišta kod "UniCredit Zagrebačke banke" d.d. Tuzla.

## III

Nakon pravosnažnosti ovog Rješenja, na zemljištu iz tačke I dispozitiva ovog Rješenja, Služba za geodetske i imovinsko-pravne poslove općine Tuzla i Zemljšno-knjižni ured Općinskog suda u Tuzli, brisaće ranije izvrštene upise i predmetno zemljište upisati kao društvena svojina - pravo korištenja radi građenja stambeno-poslovnog objekta, u korist DIREKCIJE ZA IZGRADNJU D.O.O. ZA INŽINJERING I USLUGE TUZLA sa dijelom od 1/4 i SIMIČIĆ MIRSADA iz Tuzle sa dijelom od 3/4, ali tek po prilaganju dokaza o uplati naknade iz tačke II dispozitiva ovog Rješenja.

## IV

DIREKCIJA ZA IZGRADNJU D.O.O. ZA INŽINJERING I USLUGE TUZLA i SIMIČIĆ MIRSAD iz Tuzle, gube pravo korištenja zemljišta radi građenja ukoliko, u roku od jedne godine od pravosnažnosti rješenja o dodjeli zemljišta na korištenje radi građenja, ne podnesu zahtjev za izdavanje odobrenja za građenje, odnosno ako u roku od jedne godine od izdavanja odobrenja za građenje ne izvedu pretežan dio radova na građevini.

## V

DIREKCIJA ZA IZGRADNJU D.O.O. ZA INŽINJERING I USLUGE TUZLA i SIMIČIĆ MIRSAD iz Tuzle obavezni su da, u roku od 8 dana od dana prijema ovog Rješenja, na ime naknade troškova postupka uplate iznos od 400,00 KM, na račun Službe za geodetske i imovinsko-pravne poslove općine Tuzla, broj 132-100-03030100-63, vrsta prihoda: 722439, kod "Tuzlanske banke" d.d. Tuzla.

## VI

Rješenje će se objaviti u "Službenom glasniku općine Tuzla".

## 14

Općinsko vijeće Tuzla, po prijedlogu JKP "Vodovod i kanalizacija" Tuzla, za obnovu postupka u predmetu utvrđivanja općeg interesa, a na osnovu člana 252. stav 2. Zakona o upravnom postupku ("Službene novine F BiH", broj 2/98. i 48/99), na sjednici od 28. aprila 2006. godine, donosi

## RJEŠENJE

## o uvažavanju Prijedloga za obnovu postupka

## I

Uvažava se Prijedlog JKP "Vodovod i kanalizacija" Tuzla za obnovu postupka koji je okončan Rješenjem Općinskog vijeća Tuzla, broj: 01/07-31-4016/05, od 20. 10. 2005. godine.

## II

Djelimično se poništava Rješenje o utvrđivanju općeg interesa, broj: 01/07-31-4016/05, od 20. 10. 2005. godine i to u dijelu koji se odnosi na katastarske čestice označene kao:

- k.č. broj 2653 KO Husino i
- k.č. broj 2652 KO Husino (obje po starom premjeru k.č. 565 KO Husino),
- k.č. broj 2656/2 KO Husino,
- k.č. broj 2656/1 KO Husino i
- k.č. broj 2654 KO Husino (sve tri po starom premjeru k.č. 560/4, k.č. 560/1 i k.č. 560/3, sve KO Husino).

## III

Rješenje o utvrđivanju općeg interesa, broj: 01/07-31-4016/05, od 20. 10. 2005. godine, u preostalom dijelu ostaje na snazi i dopunjuje se tako što se istom dodaju katastarske čestice označene kao:

- k.č. broj 2657 "Prečaga" šume 2. klase, površine 4.042 m<sup>2</sup>, upisana u posjedovni list broj 1233 KO Husino, posjed Tomić (Mate) Božo sa dijelom od 1/1 (po starom premjeru k.č. broj 464/12, šuma "Prečage" površine 4.000 m<sup>2</sup>, upisana u zk. uložak broj 732 KO Husino, uknjiženo pravo vlasništva u korist: Tomić (Božo) Peje sa 1/2 i Tomić (Božo) Mate sa 1/2).
- k.č. broj 2655 "Prečage" šume 2. klase, površine 4.524 m<sup>2</sup>, upisana u posjedovni list broj 2578 KO Husino, posjed Petrović (Mato) Ivica sa dijelom od 1/2 i Petrović (Mato) Dragan sa dijelom od 1/2 (po starom premjeru k.č. broj 464/8 šuma "Prečage", površine 4.524 m<sup>2</sup>, upisana u zk. uložak broj 20 KO Husino, uknjiženo pravo vlasništva u korist: Petrović (Anto) Mije sa 12/69, Petrović (Anto) Bože sa 12/69, Petrović Mande žene Ivana sa 4/69 i dr.).

- k.č. broj 2628 "Prečaga", pašnjaci 3. klase, površine 1.169 m<sup>2</sup>, upisana u posjedovni list broj 1187 KO Husino, posjed Šimić (Franje) Niko sa dijelom 1/1 (po starom premjeru dio k.č. broj 464/17 šuma "Prečaga", površine 12.000 m<sup>2</sup> i k.č. broj 561, oranica "Prečaga", površine 794 m<sup>2</sup>, obje upisane u zk. uložak broj 950 KO Husino, uknjiženo pravo vlasništva u korist: Šimić Mare udt. Cigeljević sa 1/4, Šimić Kate udt. Matičević sa 1/4, Šimić Mande udt. Pavlović sa 1/4, Šimić r. Pavlović Mara sa 1/20, Šimić (Niko) Marko sa 1/20, Šimić Milica udt. Marković sa 1/20, Šimić (Niko) Anto sa 1/20 i Šimić (Niko) Drago sa 1/20).

**IV**

Rješenje će se objaviti u "Službenom glasniku općine Tuzla".

OPĆINA TUZLA  
Općinsko vijeće  
Broj: 01/07-31-4016/05-I  
28. april 2006. godine

PREDsjedavajući  
Nada Mladina

**15**

Na osnovu člana 26. i 123. Statuta općine Tuzla ("Službeni glasnik općine Tuzla", broj 2/99. i 9/00), Općinsko vijeće Tuzla, na sjednici od 28. aprila 2006. godine, donosi

**ZAKLJUČAK**

**o usvajanju Programa  
razmještaja pijačnih prostora**

**I**

Usvaja se Program razmještaja pijačnih prostora na području općine Tuzla.

**II**

Zaključak će se objaviti u "Službenom glasniku općine Tuzla".

OPĆINA TUZLA  
Općinsko vijeće  
Broj: 01-05-3891-2006  
28. april 2006. godine

OPĆINA TUZLA  
Općinsko vijeće  
Broj: 01-05-3891-2006  
28. april 2006. godine

PREDsjedavajući  
Nada Mladina

**II - AKTI OPĆINSKOG NAČELNIKA TUZLA****1**

Na osnovu člana 14. Odluke o utvrđivanju kriterija za dodjelu stipendije općine Tuzla za ostvareni nadprosječni uspjeh ("Službeni glasnik općine Tuzla", broj 3/02) i člana 39. Statuta općine Tuzla ("Službeni glasnik općine Tuzla", broj 2/99. i 9/00), a na prijedlog Komisije za dodjelu stipendije, Općinski načelnik Tuzla, donosi

**ODLUKU****o dodjeli stipendije za ostvaren nadprosječan uspjeh****Član 1.**

Za ostvaren nadprosječan uspjeh u toku školovanja, za školsku 2004/2005. godinu dodjeljuje se stipendija u visini od 50,00 (pedeset) KM mjesečno, sljedećim učenicima srednjih škola:

1. Džejna Mustačević - Srednja medicinska škola
2. Adnan Malkić - Srednja rudarska škola
3. Emina Altumbabić - Srednja medicinska
4. Edina Topčagić - Mješovita srednja škola
5. Almedina Džinić - Gimnazija "Ismet Mujezinović"
6. Igor Davidović - Mješovita srednja elektrotehnička
7. Amra Isabegović - Turističko-ugostiteljska škola
8. Azra Mujezinović - Srednja ekonomski škola
9. Milana Stahov - KŠV "Sv. Franjo"
10. Sanel Redžić - Srednja muzička škola
11. Amina Babović - Mješovita srednja hemijska škola
12. Jasmin Mešanović - Mješovita srednja elektrotehnička škola

**Član 2.**

Za ostvaren nadprosječan uspjeh u toku školovanja, za školsku 2004/2005. godinu, dodjeljuju se stipendije u visini od 100,00 (stotinu) KM mjesečno, sljedećim studentima fakulteta:

1. Admira Mulaosmanović - Filozofski fakultet, Odsjek: Engleski jezik i književnost
2. Ilhana Latifović - Akademija likovnih umjetnosti
3. Enisa Hrbatović - Filozofski fakultet, Odsjek: Njemački jezik i književnost
4. Edina Kurtić - Ekonomski fakultet
5. Mirza Burgić - Fakultet elektrotehnike
6. Alma Ibrahimefenić - Fakultet elektrotehnike
7. Mirela Berbić - Filozofski fakultet, Odsjek: Bosanski jezik i književnost
8. Selma Delalić - Ekonomski fakultet
9. Izudinka Kapetanović - Fakultet elektrotehnike
10. Kristina Tadić - Pravni fakultet
11. Ivana Iveljić - Medicinski fakultet
12. Valentina Ivanović - Fakultet elektrotehnike
13. Zlata Dervišević - Stomatološki fakultet
14. Anita Petrović - Pravni fakultet
15. Vedrana Nerić - Fakultet elektrotehnike
16. Dejan Slavljica - Akademija likovnih umjetnosti
17. Dalma Pirić - Medicinski fakultet
18. Dunja Brestovac - Farmaceutsko-biokemijski fakultet
19. Asmir Vodenčarević - Fakultet elektrotehnike
20. Melika Bolić - Fakultet elektrotehnike

21. Nihad Hasić - Fakultet elektrotehnike
22. Dino Kakeš - Ekonomski fakultet
23. Amir Đulović - Ekonomski fakultet
24. Olga Fomičov - Filozofski fakultet, Odsjek: Engleski jezik i književnost
25. Lejla Smajlović - Ekonomski fakultet
26. Sanda Pejić - Ekonomski fakultet
27. Selma Poljić - Ekonomski fakultet
28. Nerma Pezerović - Filozofski fakultet, Odsjek: Engleski jezik i književnost
29. Svjetlana Ivanović - Pravni fakultet
30. Haris Hodžić - Fakultet elektrotehnike
31. Senad Žunić - Fakultet elektrotehnike
32. Eldin Redžić - Tehnološki fakultet
33. Sladana Zorić - Fakultet elektrotehnike
34. Emina Selmanović - Fakultet Elektrotehnike
35. Edina Paloš - Stomatološki fakultet

#### Član 3.

Za ostvarene nadprosječne rezultate u oblasti sporta u 2005. godini, dodjeljuju se stipendije sljedećim sportistima:

1. Jasmina Guber, stipendija u iznosu od 150,00 KM mjesečno
2. Merisa Hodžić, stipendija u iznosu od 100,00 KM mjesečno
3. Jasmina Delić, stipendija u iznosu od 150,00 KM mjesečno
4. Senad Softić (AK "Sloboda"), stipendija u iznosu od 100,00 KM mjesečno
5. Damir Altumbabić, stipendija u iznosu od 100,00 KM mjesečno
6. Selma Bešić, stipendija u iznosu od 100,00 KM mjesečno
7. Meliha Delagić, stipendija u iznosu od 100,00 KM mjesečno
8. Lejla Ferhatbegović, stipendija u iznosu od 150,00 KM mjesečno
9. Damir Haračić, stipendija u iznosu od 150,00 KM mjesečno
10. Sanel Halilović, stipendija u iznosu od 100,00 KM mjesečno
11. Edis Gušić, stipendija u iznosu od 100,00 KM mjesečno
12. Nina Mešanović, stipendija u iznosu od 100,00 KM mjesečno
13. Ermin Memišević, stipendija u iznosu od 100,00 KM mjesečno
14. Majda Prole, stipendija u iznosu od 100,00 KM mjesečno
15. Una Selman, stipendija u iznosu od 150,00 KM mjesečno
16. Danira Muminović, stipendija u iznosu od 100,00 KM mjesečno
17. Merima Softić, stipendija u iznosu od 150,00 KM mjesečno
18. Adnan Malkić, stipendija u iznosu od 150,00 KM mjesečno
19. Mirsada Suljkanović, stipendija u iznosu od 150,00 KM mjesečno
20. Alma Ibrahimefendić, stipendija u iznosu od 150,00 KM mjesečno
21. Aida Hadžić, stipendija u iznosu od 100,00 KM mjesečno
22. Senad Softić (AK "Flamenco"), stipendija u iznosu od 100,00 KM mjesečno

#### Član 4.

Stipendija iz člana 1. do 3. ove Odluke, isplaćivat će se iz sredstava utvrđenih Budžetom općine Tuzla za 2006. godinu,

u 12 (dvanaest) jednakih mjesecnih rata, od 01. januara do 31. decembra 2006. godine.

#### Član 5.

Izvršenje ove Odluke će provesti Služba za budžet, finansije i poduzetništvo općine Tuzla.

#### Član 6.

Odluka će se objaviti u "Službenom glasniku općine Tuzla"

OPĆINA TUZLA

Općinski načelnik

Broj: 02-145-3840/06

25. april 2006. godine

OPĆINSKI NAČELNIK

Jasmin Imamović

## 2

Na osnovu člana 39. statuta općine Tuzla ("Službeni glasnik općine Tuzla", broj 2/99. i 9/00), a na zahtjev Policijске uprave Tuzla broj: 08-02/4-5 od 22. 09. 2005. godine, Općinski načelnik Tuzla, donosi

## RJEŠENJE

### o formiranju Konsultativnog komiteta

#### I

Radi realizacije Projekta 5.5. Implementacija policijskog djelovanja u zajednici, formira se Konsultativni komitet u sljedećem sastavu:

1. Nada Mladina, predsjedavajuća
2. Mirjana Božić, član (predstavnik građana)
3. Milan Trakilović, član (predstavnik povratnika)
4. Bahto Mekić, član (predstavnik vladinih organizacija)
5. Damir Porobić, član (predstavnik nevladinih organizacija)
6. Nedim Mutapčić, član (policijski službenik)
7. Ljubomir Divković, član (policijski službenik)

#### II

Zadatak Konsultativnog komiteta je da radi na analiziranju postojeće situacije na području općine Tuzla u oblasti stope kriminaliteta i stepena otkrivanja kriminaliteta, njegovim uzročnicima, analizi ljudskih resursa u oblasti policijskih snaga, budžeta, opreme i slično, te da prezentira nadležnim organima uočene probleme i svoje mišljenje o načinu njihovog rješavanja.

#### III

Rješenje će se objaviti u "Službenom glasniku općine Tuzla".

OPĆINA TUZLA

Općinski načelnik

Broj: 02-05-3540-2006

OPĆINSKI NAČELNIK

Jasmin Imamović

24. april 2006. godine

**3**

Na osnovu člana 39. i člana 89. Statuta općine Tuzla ("Službeni glasnik općine Tuzla" broj 2/99. i 9/00), Općinski načelnik Tuzla, donosi

**RJEŠENJE**

**o razrješenju člana Povjereničkog odbora  
Mjesne zajednice Bukinje**

I

Jusuf Mujić, razrješava se dužnosti člana Povjereničkog odbora Mjesne zajednice Bukinje.

II

Rješenje će se objaviti u "Službenom glasniku općine Tuzla".

OPĆINA TUZLA  
Općinski načelnik  
Broj: 02-05-2793-2005/02-I  
28. april 2006. godine

OPĆINSKI NAČELNIK  
Jasmin Imamović

**4**

Na osnovu člana 39. i člana 83. i 88. Statuta općine Tuzla ("Službeni glasnik općine Tuzla", broj 2/99. i 9/00), Općinski načelnik Tuzla, donosi

**RJEŠENJE**

**o imenovanju člana Povjereničkog odbora Mjesne  
zajednice Bukinje**

I

Admir Džekić, imenuje se za člana Povjereničkog odbora Mjesne zajednice Bukinje.

II

Rješenje će se objaviti u "Službenom glasniku općine Tuzla".

OPĆINA TUZLA  
Općinski načelnik  
Broj: 02-05-2793-2005/02-II  
28. april 2006. godine

OPĆINSKI NAČELNIK  
Jasmin Imamović

**I AKTI OPĆINSKOG VIJEĆA TUZLA**

1. Pravilnik o kriterijima i postupku za odobravanje jednokratne pomoći pripadnicima branilačke populacije sa područja općine Tuzla
2. Odluka o dopuni odluke o dodjeli Tuzlanske plakete u povodu obilježavanja 4. aprila/travnja 2006. godine
3. Odluka o davanju na korištenje objekta Dom DTV "Partizan"
4. Odluka o davanju saglasnosti na Statutarnu odluku o izmjeni i dopuni Statuta Javne zdravstvene ustanove Dom zdravlja Tuzla
5. Odluka o izmjeni Odluke o osnivanju Javne zdravstvene ustanove Dom zdravlja Tuzla
6. Odluka o izmjeni i dopuni Odluke o osnivanju Javne ustanove Dom mladih Tuzla
7. Odluka o utvrđivanju visine naknade predsjedniku i članovima Komisije za odabir korisnika pomoći za rekonstrukciju stambenih objekata i održiv povratak
8. Odluka o promjeni statusa nepokretnosti
9. Odluka o promjeni statusa nepokretnosti

**SADRŽAJ****"Službenog glasnika općine Tuzla", broj 5/2006.**

10. Rješenje o razrješenju člana Komisije za ekonomske odnose	119
11. Rješenje o imenovanju člana Komisije za ekonomske odnose	120
113 12. Rješenje o utvrđivanju općeg interesa	120
116 13. Rješenje o dodjeli neizgrađenog gradskog građevinskog zemljišta na osnovu javnog konkursa	120
116 14. Rješenje o uvažavanju Prijedloga za obnovu postupka	121
117 15. Zaključak o usvajanju Programa razmještaja pijačnih prostora	122
<b>II AKTI OPĆINSKOG NAČELNIKA TUZLA</b>	
117 1. Odluka o dodjeli stipendije za ostvaren nadprosječan uspjeh	122
118 2. Rješenje o formiranju Konsultativnog komiteta	123
118 3. Rješenje o razrješenju člana Povjereničkog odbora Mjesne zajednice Bukinje	124
119 4. Rješenje o imenovanju člana Povjereničkog odbora Mjesne zajednice Bukinje	124